



Reykjavíkurborg
Skóla- og frístundasvið

Meginmarkmið skólahljómsveita í Reykjavík er að efla hæfni, þekkingu og þroska nemenda í tónlist með hljómsveitarstarfi og styðja við tónlistaruppeldi nemenda sinna í samstarfi við skólana.

Skólahljómsveitir í Reykjavík - Umsóknir v. 2022-2023

Tekið er á móti umsóknum í skólahljómsveitirnar í Reykjavík **frá og með 29. mars** næstkomandi, **kl. 9.** Sækja þarf um í gegnum Rafræna Reykjavík. Formlegur umsóknarfrestur er til 10. maí vegna skólaársins 2022-2023, en hægt er að skila inn umsóknum allt árið vegna yfirstandandi skólaárs hverju sinni.

Inntaka í hljómsveitirnar byggir á m.a. á tímasetningu umsóknar og hvort laust er á hljóðfærið sem sótt er um í skóla hvers barns. Sjá viðmið vegna inntöku í skólahljómsveitirnar hér fyrir neðan. Hægt er að setja athugasemd í umsóknir um t.d. fyrra nám, biðlista og fleira. Þeir sem þegar hafa reynt að sækja um vegna næsta skólaárs eru beðnir að endurtaka umsóknina inn á rétt skólaár.

Nám og Námsgjöld - haustönn 2022

Í skólahljómsveitum er kennt á öll helstu málm- og tréblásturshljóðfæri auk slagverkshljóðfæra. Einnig eru dæmi um að kennt sé á bassa. Hægt er að leigja hljóðfæri hjá sveitunum. Námsgjöld fyrir haustönn 2022 eru 15.771 kr. og hljóðfæragjald fyrir þá önn er 4.799 kr.

Metnaðarfullt hljóðfæranám hjá úrvalkennurum

Í skólahljómsveitum er boðið upp á metnaðarfullt hljóðfæranám með vel menntuðum og reynslumiklum kennurum. Námið tekur mið af aðalnámskrá tónlistarskóla.

Aðaláhersla á samspil - skylduþátttaka

Mikilvægt er að nemendur sem hefja nám í skólahljómsveit geri sér grein fyrir því að aðaláherslan er á samspil og að allir nemendur eiga að taka virkan þátt í æfingum sveitanna og tónleikahaldi. Í einkatímum fá nemendur kennslu og þjálfun í að spila á sitt hljóðfæri.



Árbær, Breiðholt og Norðlingaholt

Skólahljómsveit Árbæjar og Breiðholts

Aðsetur: Breiðholtsskóli, Arnarbakka 1-3, 109 Reykjavík
Netfang: solveig.moravek.johannsdottir@rvkskolar.is
Hljómsveitarstjóri: Sólveig Moravek Jóhannsdóttir

Laugardalur, Háaleiti og Bústaðahverfi

Skólahljómsveit/Austurbæjar

Aðsetur: Laugarnesskóli, Kirkjuteig 24, 105 Reykjavík
Netfang: snorri.heimisson@rvkskolar.is
Hljómsveitarstjóri: Snorri Heimisson

Grafarvogur, Grafarholt og Úlfarsárdalur

Skólahljómsveit Grafarvogs

Aðsetur: Húsaskóli, Dalhúsum 41, 112 Reykjavík
Netfang: einar.jonsson@rvkskolar.is
Hljómsveitarstjóri: Einar Jónsson

Vesturbær, Miðborg og Hlíðar

Skólahljómsveit Vesturbæjar og Miðbæjar

Aðsetur: Vesturbæjarskóli, Sólvallagötu 67, 101 Reykjavík
Netfang: ingi.gardar.erlendsson@rvkskolar.is
Hljómsveitarstjóri: Ingi Garðar Erlendsson

Viðmið vegna inntöku nemenda í Skólahljómsveitir Reykjavíkur

Þegar teknir eru inn nemendur í Skólahljómsveitir borgarinnar er stuðst við eftirfarandi viðmið:

- Nemendur sem eru í hljómsveitinni og ætla að halda áfram ganga fyrir.
- Umsóknir sem berast fyrir 10. maí njóta forgangs.
- Umsóknir sem berast eftir 10. maí verða teknar til umfjöllunar áður en starfið hefst.
- Lágmarksaldur nemenda við inntöku í skólahljómsveitir er 8 ár eða 3. bekkur.
- Hafi nemandi verið á biðlista eru meiri líkur á að hann fái pláss í hljómsveit.
- Skólahljómsveitirnar eru fjórar: Skólahljómsveit Austurbæjar, Skólahljómsveit Árbæjar og Breiðholts, Skólahljómsveit Grafarvogs og Skólahljómsveit Miðbæjar og Vesturbæjar. Hver hljómsveit þjónar ákveðnu afmörkuðu hverfi. Umsóknir sem koma úr hverfi hljómsveitarinnar ganga fyrir.
- Umsóknir nemenda sem eru í 4. bekk ganga að jafnaði fyrir.
- Nemendur sem koma úr tónlistarnámi annars staðar, t. d. öðrum skólahljómsveitum eða öðrum tónlistarskólum, geta gengið fyrir inn í námið en sú afgreiðsla er háð ákvörðun stjórnanda hverju sinni.
- Það getur skipt máli hvaða hljóðfæri er sótt um. Flókin samsetning skólahljómsveita, staðsetninga kennara í skólum og á hvaða hljóðfæri viðkomandi kennari kennir, hefur áhrif á inntöku nýrra nemenda.
- Framboð hljóðfæra í einstökum skólum getur verið breytilegt milli ára.